

Na osnovu člana 2.12. Izbornog zakona BiH ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), i Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj: 29/18 i 36/19), člana 1. Odluke o objavljivanju javnog oglasa za imenovanje člana-predsjednika Općinske izborne komisije Bužim ("Službeni glasnik općine Bužim", broj: 3/21), Općinsko vijeće općine Bužim, raspisuje:

JAVNI OGLAS
za imenovanje člana Općinske izborne komisije Bužim

- I. Raspisuje se javni oglas za imenovanje člana –predsjednika Općinske izborne komisije Bužim.
- II. Člana-predsjednika Općinske izborne komisije Bužim imenuje Općinsko vijeće Bužim, uz saglasnost Centralne izborne komisije Bosne i Hercegovine na period od 7 (sedam) godina od dana imenovanja.
- III. Prijavljeni kandidati moraju ispunjavati slijedeće uslove:
Opći uslovi:
 - da je lice sa pravom glasa;
 - da ima odgovarajuću stručnost i iskustvo u provođenju izbora;Posebni uslovi:
 1. da ima prebivalište u Općini Bužim
 2. da ima završen fakultet, odnosno VII/1 stepen stručne spreme ili završen fakultet Bolonjskog sistema studiranja sa najmanje 180 ETCS i
 3. da posjeduje iskustvo u provedbi izbora (što podrazumijeva: članstvo u izbornoj komisiji, članstvo u biračkom odboru, rad u stručnim organima koji su pružali pomoći u provođenju izbora).

Izuzetno od odredbi iz tačke 2. posebnih uvjeta ovog Javnog oglasa, predsjednik – član Općinske izborne komisije može biti osoba sa VII/1 stepenom stručne spreme i drugog smjera ukoliko posjeduje iskustvo u radu izborne komisije u trajanju od najmanje dvije godine od stupanja na snagu Izbornog zakona Bosne i Hercegovine. Izuzetno od odredbi iz tačke 3. posebnih uvjeta ovog Javnog oglasa, član Općinske izborne komisije može biti lice koje ima završen VII/1 stepen stručne spreme, završen pravni fakultet, odnosno završen pravni fakultet Bolonjskog sistema studiranja s najmanje 180 ETCS, bez izbornog iskustva propisanog Uputstvom.
- IV. Za člana Općinske izborne komisije ne može biti imenovana osoba:
 - koja se ne može kandidovati u smislu odredbi člana 1.6., 1.7. i 1.7a. Izbornog zakona BiH;
 - koja je član najvišeg izvršno – političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
 - koja je nosilac izabranog mandata ili je član izvršnog organa vlasti, osim u slučajevima predviđenim članom 2.12. stav 4. Izbornog zakona;
 - koja je kandidat za izbore za bilo koji nivo vlasti;
 - kojoj je izrečena kazna za radnju koja predstavlja težu povredu Izbornog zakona ili propisa za koji je lično odgovorna, u posljednje četiri godine, računajući od dana pravosnažnosti odluke;

Predsjednik – član Općinske izborne komisije ne može biti zastupnik, odnosno punomoćnik političkog subjekta koji učestvuje na izborima niti osoba koja je pravomoćnom sudskom presudom osuđena na kaznu zatvora u trajanju od 6 (šest) mjeseci ili duže.

V. Sastav općinske izborne komisije mora biti multietničan tako da odražava zastupljenost konstitutivnih naroda uključujući i ostale vodeći računa o posljednjem popisu stanovništva provedenom na državnom nivou. U sastavu općinske izborne komisije nastojat će se osigurati da broj članova manje zastupljenog spola bude najmanje 1/3 od ukupnog broja članova .

VI. Uz prijavu na Javni oglas potrebno je dostaviti sljedeću dokumentaciju :

- kraću biografiju sa ličnim podacima kandidata (ime i prezime, ime oca, jedinstveni matični broj, tačna adresa, broj telefona za kontakt, kao i podatke o kretanju u službi);
- ovjerenu kopiju diplome o završenom stepenu i vrsti stručne spreme;
- dokaz o izbornom iskustvu za kandidata (potvrda općinske izborne komisije o radu na biračkom mjestu, rješenje o imenovanju u općinsku izbornu komisiju ili birački odbor ili neki drugi dokaz koji može potvrditi da kandidat ima izbornu iskustvo);
- svojeručno potpisanu i od nadležnog organa ovjerenu izjavu o nacionalnoj pripadnosti;
- svojeručno potpisanu i od nadležnog organa ovjerenu izjavu o nepostojanju smetnji iz člana 2.3. Izbornog zakona BiH (da nije član najvišeg izvršno-političkog tijela političke stranke ili koalicije, da nije kandidat za izbore za bilo koji nivo vlasti, da nije izrečena kazna za težu povredu izbornog zakona ili propisa za koji je lično odgovorna u posljednje četiri godine računajući od dana pravosnažnosti odluke);
- uvjerenje o prebivalištu izdato od strane CIPS-a ne starije od tri mjeseca.

VII Krajnji rok za podnošenje prijava je 8 (osam) dana od dana objave Javnog oglasa.

Po zatvaranju Javnog oglasa, Komisija za provođenje postupka po javnom oglasu će u skladu sa Izbornim zakonom Bosne i Hercegovine i Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini podnijeti pisani izvjetaj Općinskom vijeću, u kojem će navesti sve relevantne podatke za svaku osobu koja je podnijela zahtjev po javnom oglasu. U navedenom izvještaju Komisija vrši klasifikaciju kandidata na one koji ispunjavaju uvjete tražene u Javnom oglasu i na one koji ne ispunjavaju uvjete. Sa kandidatima koji ispunjavaju uvjete iz Javnog oglasa Komisija će obaviti intervju, nakon čega sačinjava rang-listu sa redoslijedom kandidata prema uspjehu postignutom na intervju koju će dostaviti Općinskom vijeću. Općinsko vijeće cjeneci položaj kandidata na rang - listi donosi Odluku o imenovanju člana-predsjednika Općinske izborne komisije.

Nepotpune i neblagovremene prijave neće biti uzete u razmatranje.

Prijave za ovaj Javni oglas dostaviti u zatvorenoj koverti sa naznakom:

“JAVNI OGLAS ZA IMENOVANJE ČLANA-PREDSJEDNIKA
OPĆINSKE IZBORNE KOMISIJE BUŽIM-NE OTVARATI“

na sljedeću adresu:

KOMISIJA ZA PROVOĐENJE POSTUPKA PO JAVNOM OGLASU ZA IZBOR ČLANA-
PREDSJEDNIKA OPĆINSKE IZBORNE KOMISIJE BUŽIM

Dostavljeno:

1. Općinsko vijeće,
2. Općinski načelnik,
3. Arhiva.

